



中華民國政府主席
陸海空軍總司令

蔣中正



東政委會
北務員主
席

中國國民
華海軍
副司令
司

東北邊軍
防司令
官長


張學良

概觀


〔右〕張司令長官初次進京於十

一月念四日就任國委後與


蔣主席合影



令司副張的一統家國進促迎歡



令司副張的央中護擁識極迎歡



〔上及右〕首都歡迎張司令

長官之標語

概

觀

東北釋名

東北者，中華民國領土位在東北之一部，包括遼寧、吉林、黑龍江、熱河四省，以行政的區域兼自然的區域而言之者也。東三省之名，初非定稱（注一），滿蒙一詞亦非我所固有（注二）。皆以對外締約，漫然引用，沿襲不替，流弊滋多。茲以行政區域之釐訂，遂使此一部國土，得有適當名詞。不僅於本國稱謂之利便上，形其確切，且能於世界地理上明其位置。抑知東北之稱，初不自今日始也。民國十年以前，國人於報章口語之間，固已通行，前此之著述，亦每多引用（注三），第無明確之界畫而已。民國十一年，張作霖氏奉令督辦東北屯墾邊防事宜，此為東北名詞見諸公牘最著之一例。而同時其所統屬

之軍隊，亦且稱為東北軍焉。民國十八年一月，國民政府以東北邊防重要，特任張學良氏為東北邊防司令長官，是為四省軍事最高首領。東北政務委員會亦於是月成立，為指導并監督各省區最高級地方政府之機關。舉凡隸屬於此兩機關以下之區域，統在東北範圍之內。此東北名稱所由來，實有其確定之根據與界限，與世所謂遼東近東（注四）顯有其不同也。

東北之稱，其以周禮職方為最古歟，

醫巫閭山至今屹然為東北之鎮（注五），此求之山川而得其迹象者也。遙遙遼瀋，遠在古初，共與中土固同列方輿，自非別屬提封。稽諸後世史冊，尤為數見不鮮（注六）。咸以當時建都所在之地，為之中心，用以明其方位。大抵泛言，初無確指。非今之四省所得而專，亦非今之四省莫得而當也。至於滿洲之名，原即出自近世，

其前舊籍，咸曰遼東，即在龍濟，亦尙隸言族號。按滿洲源流考，稱為曼殊師利之音轉，附會佛乘，原非本義，以為國號，則初無此名（注七），更不足以括今日東北之範圍。若與蒙古聯為一辭，視為特殊境界，實屬空前之巨謬。大抵一地之稱，自應名從主人，斷無於原有名稱之外，強為牽合之理。尤而效之，積非成是，宜為斷然屏置，不相沿用。

再以自然地理之區域言之。黑龍江包

延東北，烏蘇里河注於東，圖們鴨綠兩江界於南，牡丹、松花、嫩江、洮兒、遼河大凌、諸水，交相貫錯，舉凡此數水流域所經而為之脈絡者，統為東北之區域；此見之河流者也。陰山山脈既緣熱河省西北邊境與遼寧省之西境，北入黑龍江省，成西與安嶺，折東南下為東興安嶺，小興安嶺諸山，於東北之北部，環成疊嶂。完

、長白、小白、吉林哈達、千山諸脈，由東北趨向西南，儼若長屏。陰山之脈更歧爲松嶺、燕山，盤勃鬱聚於熱河之境，東趨而一峯獨起，爲遼寧名山醫巫閭。舉凡此數山系所經而爲之骨幹者，統爲東北之區域，此見之山脈者也。行政區域，每似出諸人爲，而實際界劃，仍多因於自然之形勢。茲就山河形勢言，則四省之脈絡骨幹，實爲同氣連枝。如是則東北一名詞，即謂爲自然之一種區域，亦殊不涉牽強。

復次，則東北自有其獨具之精神，富於「啓發性」與「滲透性」焉者也。強鄰狙伺，近在肘腋，舊日藩封，淪於眉睫，撫撓興衰，行當自念，此應乘時啓發者一。文物之興，比較稍晚，若不急起直追，無以荷艱鉅而應世變，此應乘時啓發者二。田野不闢，貨財未治，懷寶迷邦，人將代謀，此應乘時啓發者三。有此三端，非大淪新知不足以有所建樹，非集思廣益不足以宏濟時艱，非攬聚衆長不足以固我邊徼，非知己知彼不足以保其存在，此即所謂「滲透性」者是也。論者曰，東北者，推廣文化事業之一領域（注八），是又於方位、政區、史蹟、地理以外，爲本篇應

概觀

有之義也夫。

▼注一 清光緒二十二年，與俄國訂立合辦東省鐵路公司合同。第一款云，華俄道勝銀行建造經營此路，另立一公司，名中國東省鐵路公司。所謂東省，即指奉吉黑而言之。二十八年，中俄收交東三省條約成立，此爲東三省之名見諸公牘之始。三十三年，清廷諭將盛京將軍，着改爲東三省總督兼管東三省將軍，此爲東三省確定之始。民國成立，既無總督之官，東三省之名殆不專有。後雖有東三省保安總司令之推舉，然爲臨時命名，所轄且不只於東三省也。

▼注二 滿州舊爲一族之稱（亦有謂非族號者，見注七），非現代適用之名詞。蒙古自內蒙改建省區，亦非復昔日之舊觀。民國二年九月，日本要求滿蒙五路權，此爲聯成一詞之始。民國四年五月之中日條約內有南滿州及東部內蒙古之語，日本即據爲典要，動稱滿蒙之界劃，日本人雖自長春以南稱曰南滿，以北稱曰北滿，然非地理上公認之名詞也。

▼注三 曹廷杰東北邊防備要：「朔方備乘於中俄交界考據詳明，顯其時俄人乘隙窺我東北」。何願船長維窩集考：「東北方曰長維，吉林黑龍江實居長維之地」。

▼注四 通常所謂「遼東」「近東」，以歐洲爲主體而言之者也。近東指巴爾幹小亞細亞等地，遼東則中國日本以及南洋羣島，義殊廣漠。我國亦每喜引用，斯亦不思之甚矣。

▼注五 周禮職方氏：「東北曰幽州，其山鎮曰醫巫閭，其澤藪曰綏養，其川河濟，其浸藪時，其利魚鹽，其民一男三女，其畜宜四擾，其穀宜三種」。

按醫巫閭山在遼寧省北鎮縣西北。

▼注六 遼史兵衛志有東北招討使、東北路統軍司。百官志有東北路諸司、東北路行軍都統所。元一統志：「三京故國，五國舊城，亦東北一都會也。」明遼東志：「遼在今爲東北重鎮」。

「遼東乃東北之雄藩」。

▼注七 滿州源流考：「滿州本族名，以國書考之，丹書皆稱爲曼殊師利大皇帝」。然在明崇禎九年，愛新覺羅

皇太極始建國號曰清，改元崇德，其時則曰後金，未嘗以滿洲爲國號也。當其以七大恨露布伐明，猶自稱金國汗。今瀋陽大東門（撫近門）舊額，尙有「大金崇德口年」字樣。按滿洲爲最大酋長之義，當時據以自號。初譯滿住，或譯滿咄，並無受殊師利之華讀也。

▼注八 時人金毓黻氏東北釋名：

「列舉五義：

「1」神皋全壤，制以中樞，自中馭外，分爲八方。東北者，八方之一方也。

「2」舜肇十有二州，禹別九州，劃分諸州之方位，位於東北者曰幽州，東北云者，謂在中國之東北部也。

「3」遼金二代於秦州一帶，設招討統軍諸司，冠以招討之稱，此政區也，而以方位之名名之，明示此區之在中國東北部也。

「4」近頃稱遼吉黑熱四省爲東北，蓋對西北西南諸區域而言，以示爲中國之一部，謂爲別樹一幟，割據自雄，非其義也。

「5」因東北區域爲中國之一部，則知

立名之當，無庸於此，其他諸稱宜擷而勿用，以符正名之旨」。

又時人卞鴻儒氏釋東北：「東北所以自成一區域，以提倡文化爲必要。在消極方面以文化自衛，在積極方面以文化救國。蓋衛東北卽所以衛中國也」。

東北之位置

東北以中華民國東北境四省領土，位在亞洲大陸之東北。以形勢之重要，緊國境之安危，顯然形成其明確之位置於世界者也。

中國行政區域，不與鄰國接界者多有，有國界關係而僅與一國接壤者亦多有，接壤鄰國而又與海洋聯結者頗屬僅見（如廣東省是）。若東北四省，則或與兩國之壤地相接（吉林省），或與一國之領土爲界（黑龍江省），或則既爲國界之所在，復爲海陸之分野（遼寧省，有八五五哩之海岸綫），或又純類內地各省，僅與他省毗連（熱河），故東北四省在位置上，各有其特

殊之點。合而言之，則以國家疆界之接觸，其國際上之重要，視內地各省爲有加。以海路交通之關係，其世界性之濃厚，尤內地各省所不逮。是以論東北者，謂爲東亞薈枯之機括，世界和平之樞紐，豈過言哉，豈過言哉！

東北之位置，以經緯度言：

南起	北緯	三八度四五分一五秒
北至	北緯	五三度四二分二七秒
西起	東經	一一六度〇〇分五四秒
東至	東經	一三五度〇〇分二五秒

南北相距十四度五十七分十二秒，東西相距十八度五十九分三十秒（注一）。

東北之位置，以四界言：東與俄屬東海濱省爲界。南與朝鮮之咸鏡、平安兩道，黃海、渤海、及河北省爲界。西與河北省、察哈爾省、蒙古車臣汗盟、北與俄屬西比利亞阿穆爾省及後貝加爾省爲界。省境所在，而國界佔其邊綫三分之二焉，其國防上之重要，有任何省分莫得而比擬者已。

▶

交黑蘇嶺游們林南濱海濱亞俄	流龍里至子江省起省省省省	處江烏長圖省圖省省省省	東界
山幹塔外口蘇東	打爾蒙西里起	呼巴古至江烏	北界
南南打爾北省	端南至呼巴起	西至熟山幹塔	西界
長下省至南河威	嶺游圖吉林東端西起	子們之林東熟熱	南界

東北四省疆界表

熱河	黑龍江	吉林	遼寧	省別
遼寧省	俄屬阿穆爾省	俄屬東海濱省	吉林省	東界
察哈爾省	外蒙古車臣汗	遼寧省	察哈爾省	西界
河北省	吉林省	朝鮮	熱河省	南界
河北省	遼寧省	遼寧省	黃海	北界
察哈爾省	俄屬阿穆爾省	黑龍江	黑龍江	
察哈爾省	察哈爾省	黑龍江	黑龍江	

，不能遺東北。言世界問題者尤不能遺東

(東北陸軍測量局採用近眞數目)

省 名	最 東 經 度	最 西 經 度	最 南 緯 度	最 北 緯 度
遼寧省	經東一二度〇分〇秒	經東一二度三十分六秒	緯北三度四十五分一五秒	緯北七度一十七分三秒
吉林省	經東一二度〇分三秒	經東一二度三十分〇秒	緯北四度四十一分〇五秒	緯北六度二十四分五秒
黑龍江省	經東一二度三十分〇秒	經東一二度四十七分二秒	緯北四度五十分五十六秒	緯北五度四十二分七秒
熱河省	經東一二度三十分五秒	經東一二度〇分五十四秒	緯北四度一十九分〇秒	緯北六度二十四分五秒

東北重要都市經緯度數表

據東北陸軍測量局測計)

瀋陽	吉林	龍江	承德	濱江	長春	大連
度	度	度	度	度	度	度
（東）	（東）	（東）	（東）	（東）	（東）	（東）
緯	緯	緯	緯	緯	緯	緯
度	度	度	度	度	度	度
（北）	（北）	（北）	（北）	（北）	（北）	（北）

東北之位置，就國際地位言，則以接壤關係久處於日俄競爭狀態之下，而日俄大戰以後，爲其消長之樞樞。世界列強之就視，益確然認識其重要性之存在。中東戰役之後，俄德法三國提出交還遼東之議（注二），遂釀成日俄戰役及山東問題之根莖。故巴黎和約、太平洋會議、英日盟約、美日宣言等，胥不能不涉及東北，世稱巴爾幹爲歐洲之醇醪，若東北直稱東方之巴爾幹，亦未嘗不可。清光緒三十年，俄國敗衄，太平洋沿岸諸國，利害關係最深者厥爲日美。民國六年，所謂藍辛石井協約者，即云「兩政府承認領土相接之國家間生有特殊利益，故美國承認日本在中國有特殊利益，而尤以接近日本領土之地方爲然。」又云「美國政府信賴日本屢次之保障，日本雖以地理位置上之關係有上述之特殊利益，然對於他國，不至與以不利之偏頗待遇。」一再聲言接近領土之地理上關係，一再聲言承認日本之特殊利益，是兩國之對東北，不啻公然私相授受。我國政府旋即提出不承認之宣言，於民國七年照會駐華美使云：「中國政府，領土相接近之地方，雖發生特殊之關係，然亦以

中國條約上所規定者爲限。要之他國以文書交換互相承認之事，中國政府絲毫不受其拘束。」故美國對於此種協定不願保其永久，於民國十一年有華盛頓九國遠東公約之成立，對中國完全根據其門戶開放主義，然終以敷衍日本之故，於東北之國際地位，猶非十分進步的認識，日本固已嘖有煩言矣。美之對於東北，亦未忘情於利益均沾主義者也。滿洲鐵路之中立問題及滿洲鐵路合同問題，其計畫均鑒於日本。清光緒三十一年，英國商人擬投資建築由新民至法庫之鐵路，日本藉口秘密協定，其事亦沮。然以日英同盟關係，且方銳意經營西藏，與日本有所默契，視美國之屢思補苴者不同。而牛莊開埠，則英國對東北首先涉足者也（注三）。故日俄美英法德諸國，皆曾於東北施行其鈞心鬥角之技倆，日人言及東北國際情狀，每謂青年爲三角關係今則爲多角關係，其言雖至堪玩味，然東北爲獨立國家領土之一部，其位置固確然無可移動者也。

▼注一 中國各地之經緯度，尙無絕對確切精密之測定。現在測有標準經緯者，亦只青島觀象台及南京鼓樓之二

概觀

處。通行各書所列東北經緯，其數字爲南起北緯三十八度四十二分北至北緯五十三度三十分西起東經一百三十五度四十分東至東經一百三十五度二十分初非精確之數，無庸諱言。大抵其所根據，爲俄人白弗氏所測繪之地圖，未能信爲確切。茲表所列，爲東北陸軍測量局所採用之近真數目，在標準經緯度未經實測以前，已爲比較可資信據者矣。

▼注二 清光緒二十二年四月，俄國向法國協議起而提出還遼之舉，復邀德國加入，三國公使遂以交還遼東之勸告書，致送於日本政府，其大略云：日本向中國要求，將遼東半島割讓於日本，此舉不僅危及清朝之舊都，即朝鮮之獨立，亦受迫害，將來於遼東之和平，實爲一大障礙，因此以誠實之友誼，希望放棄遼東半島之佔領權。日本政府初爲愕然，繼知三國實將以武力爲後盾，俄人持之尤急，不得已以遼東半島交還中國。於是俄人遂自以爲功，而鐵路數設權、放大租界權，依次攫獲。日俄大戰之釀成，基於是矣。

▼注三 清咸豐八年，英法藉口亞羅羅船事件，及廣西教案，聯軍犯廣州。復北上，陷大沽。訂和約於天津，開五口爲商埠，牛莊其一也。後移於營口。

東北之建置

東北因民族之活動而構成史蹟，殆三千年有餘矣。其見於史冊之記載，亦三千年有餘，當其未經典籍著錄，亦猶之乎八閩百粵，事迹疏略，非可強劃時期，以爲東北之開始發現，或初隸版圖也。人類之活動，既不限於一地，生活狀態復極顯其參差，當其隔而未通，亦復各盡其性，比至交通繁密，聚散推遷，名稱之變易，政權之轉移，疆界之離合，始成其所謂史蹟，以昭示於吾人。夫東北之史蹟，中國史蹟之一部，過去之東北，過去之中國之一部，而又中國民族表現其活動之紀錄也。明乎此而後可以論過去之東北，而後可以言東北之建置。

滿洲之族，謂出於肅慎；肅慎者，固

概觀

又謂出於少典，此民族之古焉者也。長白山，古名不咸，具見於山海經；醫巫閭山，名見周禮職方，此地理之古焉者也。無論稱慎是否出於少典，東北名山是否即爲古籍之所稱指，而其時必已有此山矣，有此民矣。中原方由畜牧而墾於耕作，東北固亦由漁獵而墾於畜牧，復由畜牧而墾於耕作。東北至今猶有半耕半牧之迹，而中原半耕半牧之風，渺乎遠矣。夫生活狀態，原爲史蹟之一端。中華民族之史籍，雖略於東北，而實際保有之史料，乃獨富於東北，以此而言東北之史蹟，當彌感其興味者也。

周秦以前，東北由漁獵時代進而至於畜牧時代。其時有部落而無國家，有首領而無共主，視中原之封建制度，疆界雖然，實爲有間。故除遼東一隅，爲燕將秦開拓地至此外（注一），餘之所謂肅慎東胡，自無文字以傳其事蹟，僅於中原遺留之紀載，知其早自通於中國而已（注二）。然當漢武擊破匈奴左地，徙烏桓於上谷、漁陽、右北平、遼西、遼東五郡塞外，其地即今河北省之口北順義、及熱河東喀喇沁旗、河北盧龍與遼寧也。烏桓者，東胡之一

支，爲匈奴習慣擊破，旁而南走，漢時屢次內附，數爲邊患。光武時，其大人郝旦等率衆來降，受封爲侯王君長者八十餘人，及靈帝時漢綱解紐，蘇侯延領千餘部落，建號峭王（在今遼寧西境）。烏延領八百餘部落，稱魯汗王（在今熱河東境），其後陽順以武略撫衆，號令及於各部，繼與曹操戰於柳城（今熱河凌源縣境），敗走遼東，爲遼東太守所平。東胡之北走者，是爲鮮卑，當漢桓帝時，其渠魁檀時槐爲諸部首長，轄境至爲廣大，東部自右北平以東，至於遼東，接夫餘濊貊二十餘邑，已據有今熱河遼寧之地，且延及吉林邊境矣。其後國土分裂，慕容譚立國於棘城（今錦縣西北），至慕容廆以土降晉，拜鮮卑都督，及子皝立，南下高陽，（今河北省高陽縣），東取九都（今錦縣以北），跨遼熱之境，爲時雄國。此游牧時代之史迹，事有關於東北之建置者。世徒以設官分疆爲建置，故東北游牧時代之史迹，每略而不書，寧有當哉？

肅慎建立部落，遠在上古，根本重地，在今吉林寧安，奄有全省及黑龍江省東南部之地。中古以後名曰挹婁，初尙臣服

於夫餘，而弓矢之威爲鄰國所憚，後乃自立。挹婁者，義謂穴居，明時露路城，其故址也。夫餘一部於時爲西境雄長，其族出於獯貊，與肅慎不同種姓，高句驪之先世也（注三）。後漢書：「夫餘國在玄菟郡北千里，南與高句麗，東與挹婁，西與鮮卑接，北有弱水，方可二千里」。三國志：「夫餘在長城北，本屬玄菟。漢末公孫度確長海東，夫餘王尉仇台更闢遼東，時高句驪鮮卑強，夫餘介二虜之間……夫餘有宮室倉庫牢獄，作城柵皆圓」。後漢書：「濊人俗重山川，各有部界……國有君主，皆以六畜名官」。其國在今松花江、鴨綠江、渾河之流域，首府居農安附近，疆界設置，并瞭然可觀矣。

三國以後，肅慎復以七部立國，號曰勿吉，地域幾復上古肅慎之舊壤，地在長白附近，延至長春以北達於龍江。其七部爲：

粟末 今永吉縣附近
伯肅 今扶餘縣
安車骨 今五常阿城等縣境
柁淫 今寧安縣
黑水 今依蘭縣

東北年鑑（民國二十年）

白山 號室 今延吉縣境 今朝鮮境

唐代既平高麗，勿吉部復更輯輯之號。維時大氏於今吉林敦化肇興，唐聖嗣七年，大祚榮建號震國（舊唐書作振國）。唐遣使拜爲渤海郡王，復稱渤海國。新唐書北狄傳：「渤海本粟末輯輯，附高麗爲大姓，高麗既滅，祚榮自號震國王，先天中拜爲渤海郡王，以所統境爲呼汗州，領呼汗州都督事」。郡縣林立，置五京十六府六十二州。今在東北疆域內之可資考見者，有東平、鐵利、安遠、懷遠、率賓、龍泉、龍原、定理、扶餘、長嶺、顯德、鄭順諸府，固已深沐唐之文物聲教。而黑水輯輯，則於今黑龍江省立其部落，唐開之中，建勃利州，即以其酋長爲刺史。更置黑水軍，黑水府，仍以其部落酋領爲長，雖曰設治，亦且等於加封疆廩而已。唐書北狄傳：「輯輯在京師東北六千里，東至於海，西接突厥，南至高麗，北鄰室韋」。室韋五部據牧地於興安嶺，爲一時互族，其文化雖非勿吉扶餘之比，而陸輾歐亞之博爾濟金氏（元朝）則源出於是。中時代東北民族之政治生活，至是已漸脫離其概觀。

部落狀態，而漸趨於穩定之建國焉。

自秦置郡縣以來，轄境只限於遼東遼西，漢唐以迄遼金，地域漸趨廣大，疆界日益詳明。近古時期之中葉，契丹女真，疊操政權，建置區畫，彌以釐然。耶律氏起自陞濱（今熱河建平縣境），號曰上京，以大定（遼西）爲中京，遼陽爲東京，皆在今日東北轄境之內，獨西京遠在山西大同耳。置府六，曰定理、率賓、鐵利、安定、長嶺、鎮海。州軍城五十有六，其可考見於東北者：

瀋州 今瀋陽縣境	咸州 今北鎮縣境
海州 今海城縣境	錦州 今錦縣境
長州 今蓋平縣境	宜州 今義縣境
銀州 今鐵嶺縣境	嚴州 今興城縣境
肅州 今西豐縣境	成州 今錦西縣境
遼州 今黑山縣境	來州 今綏中縣境
懿州 今彰武縣境	貴德州 今新賓縣境
慕州 今通化縣境	桓州 今桓仁縣境
濛州 今臨江縣境	正州 今柳河縣境
復州 今復縣境	蘇州 今金縣境
肅州 今岫巖縣境	信州 今遼源縣境
遼州 今法庫縣境	安州 今昌圖縣境
韓州 今梨樹縣境	福州 今康平縣境

泰州 今鴻南縣境 長春州今安廣縣境
賓州 今榆樹縣境 澤州 今承德縣境
既擁遼吉黑熱四省之地，然生女真及其他部落，猶參錯基布於其間（屬契丹者爲熟女真，屬黑水部者爲生女真），與近世東北改省之際蒙旗依然雜處，情勢固相類也。金源代興，完顏氏據遼領域，以臨潢爲北京，會寧爲上京（今吉林雙陽縣境），遼陽爲南京，大定爲中京，皆在今東北區域之內。以咸平、上京、北京、東京四路，分區統馭，猶之行省之制。廣寧與中兩府，則開散府治之不在諸路範圍以內者也。元起朔漠，契丹女真兩族並被臣服，其設官施政，遠及龍江以北，若李苦江萬戶府、肇州屯萬戶府、脫幹機萬戶府、託溫萬戶府、吾者乞迷萬戶府，此屬於今之北部者也。胡里改萬戶府、南京萬戶府、東京萬戶府、幹朵里萬戶府、開元萬戶府，此屬於今之東部者也。南部則有金州萬戶府，而遼陽行中書省，以七路一府（咸平）十二屬州，分劃東北，曰遼陽路、瀋陽路、開原路、廣寧路、博學路、滿興路、懿興路。北京路、西京路，又在今熱河省境，隸於和林中書省，不繫諸遼陽者矣。

朱明初葉，奠定邊疆，洪武永樂間，邊外歸附者，官其長爲都督、都指揮、指揮、千戶、鎮撫等官，賜以敕書印記，設都司衛所。初東北設都司一，衛三百二十四，所二十四，以山東布政使，隔海遙領遼陽。正統以後，置廣寧太監總兵，遼東巡撫，轄一百八十四衛及二十所，今其遺迹之尙可考尋者如次：

遼陽	今遼陽	廣寧中屯	今錦西
定遼	今遼陽	義州	今義縣
海州	今海城	寧遠	今綏中
蓋州	今蓋平	建州右衛	今新賓
鐵嶺	今鐵嶺	東寧	今柳河
三萬	今開原	復州	今開通
海西	今西豐	金州	今復縣
廣寧	今北鎮	遼海	今金縣
福餘	今肇州懷德	遼寧	今康平
塔爾河	今洮南	阿寶	今阿城
罕答河	今永吉	幹朵里	今延壽
亦東河	今伊東	愛丹	今延吉
撒拉兒	今慶城	雙城	今和龍
勿里	今勃利	樹哈	今汪清

阿林	今舒蘭	弗提	今寧安
密陳	今神甸	禿屯河	今額穆
乞忽	今濛江	和屯	今依蘭
雨河	今磐石	勿魯愛	今梓川
撒魯河	今扶餘	兀勒河	今富錦
納憐	今雙城	只卜得	今方正
沒命河	今五常	明弗思	今方正
寧蘭河	今穆稜	阿真同真	今通北
木塔	今靈山	兀者	今呼蘭綏化
乞勒尼	今同江	寬寬山	今海倫
失爾兀赤	今德河	卜顏	今巴彥
莫溫	今虎林	也速	今蘿北
塔賽	今泰來	卜魯丹河	今漠河
木爾河	今木蘭	哈爾分	今烏雲
可吉河	今綏稜	罕麻	今呼倫
札董	今布西	亦爾古里	今贛濱
兀桃溫	今龍江	堅河	今室章
兀里答	今龍鎮	阮里河	今拜泉
興州	今承德	諾音	今熱河

計九十六衛。蓋其時衛所之制度，猶之屯營戍駐，設廢靡常。滿州各族又復離合遷移，漸失舊址，第今日建擬諸縣，猶多昔日之聚落，則可斷言也。

清代崛起建州（今吉林柳河縣境），東

遼興京（今遼寧新賓縣境）。既都瀋陽，稱曰盛京。彼時省界未立，其間初無明晰疆界。順治十三年，以瀋陽爲奉天府，治以府尹，轄制州縣，漸具行省規模。吉林則爲永吉一州，隸於府尹轄境。其餘參領佐領之名，胥屬部族制度之含有軍制性質者。康熙元年，始以鎮守盛京昂邦章京，爲鎮守遼東等處將軍。四年，改稱鎮守奉天等處將軍，轄境以吉林別設廳治，不復如前此之廣大。當順治十年時，於寧古塔（今寧安縣）設昂邦章京，十五年移往船場（吉林烏喇）。乾隆二十二年，改稱鎮守吉林烏喇等處將軍，至是始以將軍之轄境，成爲區域之總名。黑龍江省以康熙二十二年，築璦琿城於黑龍江岸，設鎮守黑龍江等處將軍以資鎮攝，雖曰設官，猶若行轅，與奉天府尹之親民守土，釐然有異。轄境亦視今爲廣，而行省之名稱，則基於是矣。熱河省於明爲北平府治，清代屬直隸省熱河道治，承德朝陽兩府轄境咸屬焉。以行宮所在，爲清廷巡幸之所。內蒙昭烏達，卓索圖兩盟之地，亦劃歸範圍。簡括言之，遼寧以奉天府尹，吉林以鎮守吉林烏喇將軍，黑龍江省以鎮守黑龍江等處將軍

，熱河以承德朝陽兩知府之各轄境，擴張區劃以成其爲四省之疆域者也。至郡邑之設置，前清初年，奉天轄境內已有錦州、廣寧、昌圖三府。至清末葉光宣之際，共設府八，直隸廳五，廳三，州六，縣十八。吉林則十一府，三州，五廳十八縣。黑龍江省七府，六廳，一州，七縣。熱河省爲兩府，七縣，一州。今東北一百七十二縣之設置，即謂清光緒三十三年以來之新面目焉可也。當改制之際，清廷諭旨有云：「東三省亟應認真整頓，以除積弊而專責成，盛京將軍着改爲東三省總督，兼管三省將軍事務，隨時分駐三處行台。奉天吉林黑龍江各設巡撫一缺，並置分巡道缺」，李吉黑三省，始與內省畫一制度。民國成立，總督巡撫之制，隨國體而俱更。總督職權，遞遭於東三省都督。尋以不能一都督而筦三省也，改稱奉天都督，與吉林黑龍兩省同其名義，對外則仍爲領袖。民國三年易都督之制，置將軍行署，領以冠字上將軍。吉林黑龍兩省都督皆改稱護軍使，至是稱左右將軍。民國五年後，改稱督軍，三省從同，置巡閱使以領之。十一年由省議會推舉保安總司令，轄制三省。

十三年改稱鎮威上將軍，十七年仍稱保安總司令。十八年國民政府任命東北邊防司令長官，設公署以統理軍政。東北政務委員會爰於是時成立，爲政治之最高監督指導機關，舉遼吉黑熱之四省民政，咸附屬焉。民國二年以還，府制既廢，於民政長（旋改爲巡按使）之下，分設觀察使分治諸道（民國三年改稱道尹），三省凡十一道（奉天三道，吉林四道，黑龍江四道）。民國十八年一月，東北政務委員會令行裁撤道尹，改爲市政籌備處長兼交涉員，仍接舊區節制各縣外交。復行兩級之制，縣政府直接隸屬於省政府矣。熱河省自民國三年，劃直隸省兩府及內蒙二盟旗地爲特別區，以都統爲最高長官，兼理軍民兩政，全境爲熱河一道，轄縣十五，設治局三。及十八年易職以後，始以省委員組織政府，與東北現行制度一道同風。於是東北以一百七十二縣之單位，排成其疆域焉。至於蒙旗之劃入各縣，而與其界無關（注四），東省特別區，與安屯墾區以特殊之性質，自成領域，於省縣之區劃亦復無所變更，皆置東北都統所不容疏畧者

也。民國六年，俄國政變以後，我國爲保持安寧，鞏固邊防起見，於七年一月派兵保護中東鐵路，陸續收回其所佔沿線地帶及其統治權。以哈爾濱爲中心，東迄綏芬河，西至滿洲里，南至長春之寬城子站，爲特別區之範圍。謀內政、外交、司法、警察各項事務利於進行起見，於十二年三月組織特別區行政長官公署，執行一切職務。雖係臨時性質，而實際已有存在之必要矣。

興安市墾區原係裁兵墾荒試驗區域，以軍墾爲民墾之先導，其範圍爲遼寧省之洮安縣，黑省之索倫縣、札薩克圖、鎮國公、圖什業圖汗及札齊特等蒙旗之地。至原擬範圍，南以熱河爲界，西以察哈爾外蒙古爲界，北以中東鐵路爲界，東北以雅魯嫩江爲界，東南以吉林爲界，包括遼寧界內之洮南、洮安等五縣，黑龍江省之泰來、景星等縣，則係預擬之區劃，尙未見諸實施者也。長山島孤懸渤海，以海防關係，設民政局於島上。初隸屬於海軍司令部，繼則爲東北政務委員會所統轄，亦東北建置之特殊可紀者。(注五)

▼注一 史記匈奴列傳：「燕將秦

概觀

開，爲實於胡，胡甚信之，歸而襲殺東胡，東胡却千餘里」。

▼注二 左傳昭九年：「肅慎燕亳，吾北土也」。正義章昭注：「肅慎東北夷之國，去扶餘千里」。杜預注：「肅慎北夷，在玄菟東三千里」。

山海經：「大荒之中，有山名不成，有肅慎之國」。

竹書紀年：「舜二十有五年，息慎氏來賓，貢弓矢。周成王九年，息慎來朝」。(史記集解：鄭玄曰，息慎或謂之肅慎)。

書序：「成王伐東夷，息慎來貢」。逸周書：「正北方，稷慎大」。孔晁注，稷慎，肅慎也」。

孔子家語：「武王克商，肅慎氏貢楷矢」。

▼注三 晉書四夷傳：「夫餘在玄菟北千里，南接鮮卑。王之印文，稱濊王之印，國中有古濊城，本濊貊之地」。

▼注四 東北界內蒙旗，計共三盟。分布遼吉黑三省界內者，曰哲里木盟。分布熱河省界內者曰卓索圖盟，昭烏達盟。分屬各縣境內不復別有區域矣。

▼注五 長山入島故東北海軍駐泊訓練之地。民國十七年營省軍務繁興，日本乘機出兵，秩序遽亂。各島隸屬蓬萊，一牽可航，潰軍股匪陸續時加。是年六月，東北海軍司令，派陸戰隊駐島保護，民以安堵，而民政仍復無人主持，乃呈准東北邊防司令長官，於七月設立長山島民政局，更由局長邀集地方紳耆組織各種委員會以資進行。十八年，山東省政府由民政廳提出省務會議將八島從蓬萊縣劃出。遂置長山入島行政區，領以行政委員一人，兼承海軍司令而統轄於東北政務委員會焉。

東北四省一百七十二縣建置年代表

遼陽 民國二年由承德縣改設。清康熙三年置承德縣。
遼陽 民國二年由遼陽州改設。清初爲遼陽府遼陽縣，康熙三年改遼陽州。
遼陽 清順治十一年設縣。
海城 清康熙三年設縣。
蓋平 清康熙三年設縣。
鐵嶺 清康熙三年設縣。

開原

清康熙三年設縣。

東豐

民國三年由東平縣改設，移治大虎川。清光緒二十八年設東平縣於東園場。

西豐

清光緒二十八年設縣，治洮鹿。

西安

清光緒二十八年設縣，治大興嶺。

遼中

清光緒三十二年設縣，治阿什牛泉。

台安

民國三年設縣，治八角台。

營口

民國三年由營口直隸廳改設。清宣統三年設廳。

黑山

民國三年，由鎮安縣改設，治小黑山。清光緒二十八年，設鎮安縣。

新民

清光緒二十八年，由新民府改設。嘉慶十年設新民廳，光緒二十八年升府。

彰武

光緒二十八年，以牧場改縣，治橫道子。

北鎮

民國三年，由廣寧縣改設。清康熙三年設廣寧府及廣寧縣。四年移府存縣。

盤山

民國二年，由盤山廳改設，治盤台子。清光緒三十二年設盤山廳。

錦縣

清康熙三年設縣。原為錦州府治。

義縣

民國二年，由義州改設。清雍正十一年設州。

興城

民國三年，由寧遠縣改設。清康熙三年設寧遠州民國二年改縣。

錦西

民國二年，由錦西廳改設。清光緒三十二年設廳。

綏中

清光緒二十六年設縣，治中後所。

安東

清光緒二十八年設縣。治沙河鎮。

新賓

民國十九年，由興京改設。民國二年，由興京府改縣，治新賓堡。

通化

清光緒三年設縣，治頭道江。

鳳城

清宣統二年，由鳳凰廳改鳳凰縣，三年改稱鳳城。

寬甸

清光緒三年設縣，治寬甸堡。

桓仁

清光緒三年設縣。民國三年移治八道江。

臨江

清光緒二十八年設縣，治帽兒山。

輯安

清光緒二十八年設縣，治通溝。

長白

民國二年，由長白府改設，治塔甸。

安圖

清宣統元年設縣。

撫松

清宣統元年設縣，治雙甸子。

撫順

清光緒三十四年，由興仁縣改設，治千金寨。

本溪

清光緒三十二年設縣，治本溪湖。

海龍

民國二年，由海龍府改設，治龍城。

柳河

民國二年，由柳南廳改設，治柳家店。清宣統元年，設柳南廳。

清原

清光緒二十八年設縣，治柳樹河。

金川

民國十四年設縣，治八家鎮。

復縣

民國十五年設縣，治榛子峪。

金縣

民國二年由復州改設。清雍正十一年設州。

岫巖

民國二年，由金州改設。（清先緒三十一年，轉租於日本，逾期強據未還。）

莊河

民國二年，由岫巖州改縣。清光緒二年設岫巖州。

遼源

民國二年，由莊河廳改設，治大莊河。清光緒三十二年設廳。

法庫

民國二年，由遼源州改縣，治鄭家屯。清光緒二十八年設州。

昌圖

民國二年，由法庫廳改設，治三台子。清光緒三十二年設廳。

梨樹

民國二年，由昌圖府改設。清嘉慶十一年設廳。光緒三年改府。

梨樹

民國三年，由率化改設，治梨樹城。

懷德 清光緒三年設縣，治八家鎮。
廣平 清光緒六年設縣，治康家屯。
洮南 民國二年，由洮南府改設，治雙流鎮。清光緒三十一年設府。
洮安 民國三年，由靖安縣改設，治白城子。清光緒三十年設靖安縣。
安廣 清光緒三十一年設縣，治解家窩棚。
開通 清光緒三十年設縣，治哈拉烏蘇。
雙山 民國十八年由雙山設治局改縣。
瞻榆 民國六年，由開化縣改設，民國元年設開化縣於六家鎮。
突泉 民國三年，由醴泉縣改設。清宣統元年，設醴泉縣。
鎮東 清光緒三十四年勘定縣址，宣統元年設治，二年改縣。
通遼 民國七年設治，民國十年改縣。
▲以上遼寧省五十九縣
永吉 民國十九年，由吉林縣改設。清雍正五年，設州。乾隆十年改吉林廳。
長春 民國二年，由長春府改設，治寬甸子。清嘉慶七年設長春廳，光緒十

伊通 四年改府。
八年前設州。
豐安 清光緒八年設縣。
德惠 清宣統三年設縣，治大房身。
長嶺 清光緒三十三年設縣，治長嶺子。
舒蘭 清宣統元年設縣，治朝陽川。
樺甸 清光緒三年設縣，治官街。
濛江 民國二年，由濛江州改設。清光緒三十三年，設濛江州。
磐石 清光緒二十八年設縣，治磨盤山。
雙陽 清宣統元年設縣，治蘇幹延。
乾安 民國十六年設縣，治長發屯。
濱江 民國二年，由濱江廳改設，治哈爾濱。清宣統元年，設濱江廳。
扶餘 民國三年由新城縣改設，治伯都訥。雍正五年設長寧縣，光緒三十一年設扶餘府，民國二年改新城縣。
雙城 民國二年，由雙城府改設，治雙城堡。清光緒八年設雙城廳，宣統元年升府。
賓縣 民國二年，由賓州府改設，治葦子溝。清光緒六年設賓州廳，宣統元年升府。

五常 民國二年由五常府改設，治歡喜嶺。清光緒六年設五常廳，宣統元年升府。
榆樹 民國二年，由榆樹府改設，治孤榆樹。光緒三十一年設榆樹縣，宣統元年改府。
阿城 清宣統元年設縣，治阿什河。
延壽 民國十九年由同賓縣改設，同賓於民國三年前名長壽縣。
珠河 民國十六年設縣，治烏珠河。民國十三年由延壽五常兩縣劃出設治。
葦河 民國十六年設縣，治葦沙河。民國十三年自同賓縣劃出設治。
延吉 民國二年，由延吉府改設，治吉岡，又名局子街。清光緒二十八年設廳，宣統元年改府。
琿春 民國二年，由琿春廳改設。清宣統元年設琿春廳。
和龍 清宣統元年設縣，治和龍峪。
汪清 清宣統元年設縣，治汪清河岸。
寧安 民國二年，因寧安府改設，治寧古塔，雍正五年設大寧縣，宣統元年，移綏芬廳於此，改寧安府。
東寧 民國二年，因東寧廳改設，治三岔

口，清光緒二十八年設綏芬廳。宣統元年，移綏芬於寧古塔，另設東廳。

敦化 清光緒八年設縣，治阿克敦。

額穆 清宣統元年設縣，治額穆索站。

依蘭 民國二年由依蘭府改設，治三姓城。

樺川 清光緒三十一年設依蘭府。

富錦 清宣統元年設縣，治悅來鎮。

寶清 清宣統元年設縣，治富克錦。

方正 清宣統元年，由大通縣改稱，治方正池。

穆稜 清宣統元年設縣。

蜜山 民國二年，由蜜山府改設，治蜜峰山。

同江 清光緒三十一年設府。

同江 民國三年，由臨江縣改設。清光緒三十一年設臨江州，民國二年改縣。

饒河 清宣統元年設縣，治饒力河。

虎林 民國二年，由虎林廳改設，治呢嗎口。

虎林 清宣統元年設呢嗎廳，二年改虎林廳。

撫遠 民國十九年，由綏遠縣改設。清宣統元年設綏遠府，民國二年改綏遠。

東北 年鑑（民國二十年）

勃利 清宣統元年設治，民國六年改縣。

龍江 ▲以上吉林省四十二縣

龍江 民國二年，由龍江府改設，治齊齊哈爾。

嫩江 清光緒三十一年，設黑水廳。三十四年升龍江府。

大賚 民國二年，由嫩江府改設，治墨爾根。

大賚 清光緒三十四年設嫩江府。

紅岡子。清光緒三十年，設大賚廳。

肇州 民國二年，由肇州廳改設。清光緒三十二年設肇州廳。

肇東 民國二年設縣。

拜泉 清光緒三十二年設縣。

訥河 民國二年，由訥河廳改設，治東布特哈。

訥河 清宣統二年設廳。

音同 清光緒三十年設縣，治柞樹岡。

安達 民國二年，由安達廳改設，治安達站。

克山 清光緒三十年設廳。

泰來 民國四年設縣。

泰來 民國二年設治，六年改縣，治泰來氣。

林甸 民國三年設治。六年改縣，治大林。

景星 民國三年設治，治景星鎮。

慶城 民國三年，由餘慶縣改設，治餘慶衛。

蘭西 清光緒三十一年，設餘慶縣。

蘭西 清光緒三十年設縣，治雙廟子。

龍鎮 清光緒三十年設縣，治五站。

龍鎮 民國五年設縣，治龍門鎮。

望奎 民國四年設縣。

湯原 民國五年設治，七年改縣。

通河 清光緒三十一年設縣，治湯旺河。

通河 民國二年，由大通縣改設。清光緒三十一年設大通縣，赫吉林省。三十四年。改隸黑省。

通北 民國二年設縣，治通肯河。

布西 民國四年設治，轄西布特哈地方。

泰倫 民國三年設治，六年改縣，治泰倫山。

明水 民國十二年設治。

依安 民國十二年設治。

甘南 民國十五年設治。

雅魯 民國十五年設治。

泰康 民國十五年設治。

綏化 民國二年，由綏化府改設，治北園林子。

綏化 清光緒十一年設綏化廳三。

景星 民國三年設治，治景星鎮。

慶城 民國三年，由餘慶縣改設，治餘慶衛。

蘭西 清光緒三十一年，設餘慶縣。

蘭西 清光緒三十年設縣，治雙廟子。

龍鎮 清光緒三十年設縣，治五站。

龍鎮 民國五年設縣，治龍門鎮。

望奎 民國四年設縣。

湯原 民國五年設治，七年改縣。

通河 清光緒三十一年設縣，治湯旺河。

通河 民國二年，由大通縣改設。清光緒三十一年設大通縣，赫吉林省。三十四年。改隸黑省。

通北 民國二年設縣，治通肯河。

布西 民國四年設治，轄西布特哈地方。

泰倫 民國三年設治，六年改縣，治泰倫山。

明水 民國十二年設治。

依安 民國十二年設治。

甘南 民國十五年設治。

雅魯 民國十五年設治。

泰康 民國十五年設治。

十年改府。

呼蘭 民國二年，由呼蘭府改設。清光緒三十年移呼蘭廳於此，改府。

海倫 民國二年，由海倫府改設。清光緒三十年設海倫廳，三十四年改府。

巴彥 民國二年，由巴彥州改設。治巴彥蘇蘇。清光緒元年，設呼蘭廳，三十年移廳治於呼蘭，設巴彥州。

鐵驪 民國四年設治，治鐵山包。

東興 民國十六年設治。

瑤瑛 民國二年，因瑤瑛廳改設，清光緒三十一年設瑤瑛廳。舊黑河道治。

蘿北 清宣統元年，由興東道改設，治蘿北山。

漢河 民國三年設治，五年改縣。

呼瑪 民國三年設縣，治呼瑪爾。

烏雲 民國五年設治。

綏濱 民國六年設治。十九年由綏東縣改

佛山 民國十六年設治。

呼倫 民國九年由呼倫廳改縣，治海拉爾。

臚濱 清光緒三十四年，設呼倫廳。

里 民國三年，由臚濱府改設，治滿洲里。清光緒三十四年設臚濱府。

寶章 民國九年改縣，治吉拉林。

概觀

奇乾 民國九年設治，十一年改縣。

遜河 民國五年設墾務局，十七年設治。

克東 民國十八年設治，治二克山。

奇克 奇克

鳳山 鳳山

富裕 富裕

德都 德都

▲以上黑龍江省五十三縣

承德 民國三年，由承德府改設。清乾隆四十三年，承德廳改升爲府。

灤平 清乾隆四十三年設縣。

豐寧 清乾隆四十三年設縣。

平泉 清乾隆四十三年設縣，雍正七年由八溝廳改設。

赤峯 民國二年，由赤峯直隸州改設。清乾隆四十三年設縣，光緒三十四年改州。

凌源 民國三年由建昌縣改設。清乾隆三

朝陽 年設塔子溝廳，四十三年改建昌縣。

民國三年，由朝陽府改設清乾隆三

年設塔子溝廳。四十三年改朝陽縣。

光緒二十九年改府。

阜陽 清光緒二十九年設縣。

開魯 清光緒三十四年設縣。

林西 清光緒三十四年設縣。

綏東 清光緒三十四年設縣。

建平 清光緒三十四年設縣。

經棚 民國二年，由察哈爾對歸熱河區，三年設縣。

隆化 清光緒三十三年設縣，治唐三營。

圍場 民國四年遷黃姑屯內行宮。

捕廳。民國三年，由糧捕廳改縣。清同治二年設圍場廳。光緒初年，改設糧

魯北 民國十三年設治，治北平鎮。

林東 民國十四年設治，治貝子廟。

天山 民國十五年設治，治阿魯科爾沁旗地。十六年遷查干浩套。

▲以上熱河省十八縣

舉右所列之一百七十二縣，其建置沿革悉就最近者言之。若遠在遼金以前之舊址，則每以人事變遷，遺蹟僅存，足供考古之需，無當於建置之目也。縣治之設，爲政治組織之初基，而東北建置行省以還，以迄今日，謂爲沿革上一重要時期，固未嘗不可也。